

Myen Mung Sagaing Gai Wang, Ban Mauk Mare aseng, Set Taw Mare kaw March shata 25 kaw nna 27 ya shani du hkra galaw lai wa sai Hpunau KADU ni a Htunghking poi hta Wunpawng Htunghking^၀ pung Ginjaw ramma magam dap ni Wunpawng Htunghking hpung ginjaw a gawng malai sa du shanglawm da lu sai lam chye lu ai.

Ya na zawn sa du ai lam gaw n-dai KADU Amyu sha ni hte anhte Wunpawng Amyu sha ni gaw, Moi kaw nna nat jaw htung / nat jaw aga hpan nkau mi htunglai nkau ni bung ai sha n-ga labau rum ai hpunau re ngu ai hpe lahkawng maga dingyang masat shagrin ai hku na sadu shanglawm ai re lam chye lu ai.

Sa du ai shaloi, March shata 25 ya shana 8:00 PM kaw nna 11:00 PM du hkra **တပ်တော်ခန့်မှန်းချက်** ၎် gawk nu kata hta KADU/ KANAN /KACHIN Ramma ni kraw kata hkamsha lam ni hpe shada hti dan ai lam galaw la lu sai lam, KADU Myusha Ningbaw Ningla ni hte Wunpawng Htunghking Hpung Ginjaw a gawm malai dusa wa ai Wunpawng Htunghking Hpung Ginjaw Ramma magam dap a ningbaw Zukdaw Tsawm Naw hte hkrum shaga ai lamang ni, hpunau masat masa kumla nhtu ap ai lam ni galaw la lu sai lam, Wupawng Htunghking Hpung Ginjaw Ramma magam dap Amu madu Shd. Laisi Hkun Htoi kaw na chye lu ai .

Lai wa sai March shata 13 ya shani, Laklai ai hte Hpunau Gadu Mare 12 na Du Salang ni hpe Hpa-awn Hpung-gyi nan woi awn let Wunpawng Htunghking Hpung Glnjaw de sa du hkrumzup gawan lai wa sai lam chye lu ga ai.

Myitkyina Sasana Ginjaw Ramma Ni Training Of Trainers (TOP) Sharin Hpawng Galaw

Myitkyina Sasana, Ginjaw Ramma Dap kaw nna galaw ai lamang ni hta na langai rai nga ai, Training of Trainers (TOT) ngu ai , Ramma ni hpe sharin ya na Ningbaw Ningla, sharin Sara ni a Sharin dabang hpe, Awng Nan, St.Columban Cathedral, Nawku Jawng wang, St.Columban's Minor Seminary Jawng gawk hta 2019 April 1 ya shani kaw nna 12 ya shani du hkra galaw nga ai lam chye lu ga ai.

TOT ngu ai Sharin Sara ni hpe sharin ya ai Sharin hpawng hta, Jau Ginwang 18 kaw na Ramma Dakkasa ni, Brother ni ,Ma Ma ni hte Tara hkaw Sara Saranum ni , Asuya Magam Gun ni mung shang lawm let yawng pawng marai 65 shang lawm sharin nga ai lam chye lu ai.

Sharin ai lam hta Ramma Ningbaw Ningla Hpaji, Ramma hte Bawngring Lam, Ramma hte Makam Masham, Kahtawlik Nawku Hpung a sharin shaga ai lam, Anti-Human Traffic ngu ai Masha Htinglet ai lam hpe makawp maga ninghkap ai lam, masha hpawng kata hkaw tsun hpaji machye machyang, hte Ga tsun shingjawng Debate ngu ai hte seng nna Ramma ni chye mai ai ningpawt ninghpang hpaji ndai zawn re ai Ga Baw Kaba, Lawnglam ni hpe madung sharin ya ai re lam chye lu ga ai.

Ndai sharin Hpawng ngut ai hte Jau Ginwang 11 kaw na woi awn galaw na Ramma sharin hpawng ni hta ya sharin hkam la sai ni hku nna woi awn sharin ya ai lam, garan kachyan ya ai lam ni galaw mat na re lam chye lu ai.